



史異編卷之十三

明 晉安余文龍中拙編輯

男兆胤伯景校

羽蟲

鳳鶴鴉雀之屬

殷高宗祭成湯明日有飛雉登鼎耳而雒武丁懼祖
已曰王勿憂先修政事乃訓王曰唯天監下典厥
義降年有永有不永非天天民中絕其命民有不
若德不聽罪天既附命正厥德乃曰其柰何嗚呼
王嗣敬民罔非天繼常祀母禮于棄道武丁修政

行德天下咸驩殷道復興
春秋昭公十七年郊子來朝昭子問少昊氏鳥名何
故對曰吾祖也我知之矣昔者黃帝氏以雲紀故
爲雲師而雲名炎帝氏以火紀故爲火師而火名
共工氏以水紀故爲水師而水名太昊氏以龍紀
故爲龍師而龍名我高祖少昊摯之立也鳳鳥適
至故紀於鳥爲鳥師而鳥名

魯哀公時有隼集于陳庭而死楛矢貫之石砮長尺
有咫陳閔公使使問仲尼仲尼曰隼之來遠矣昔

武王克商通道百蠻使各以方物來貢肅慎貢楛
矢石砮長尺有咫先王分異姓以遠方職使毋忘
服故分陳以肅慎矢試求之故府果得之劉向以
爲隼近黑祥貪暴類也死於廷國亡表也後二十
四年爲楚所滅

砮鏃也

漢文帝時賈誼爲長沙王太傅嘗有鵬飛入誼舍止
於坐隅鵬似鸚不祥鳥也誼自傷悼廼爲賦以自

廣

漢宣帝神爵二年正月鳳凰集殺初於所集處得玉

寶起步壽宮其冬鳳凰集上林迺作鳳凰殿以答
嘉瑞改元五鳳

漢成帝河平元年二月庚子泰山山桑谷有戴焚其
巢男子孫通等聞山中羣鳥戴鵲聲往視見巢難

古然

字盡墮地中有三戴殼燒死樹大四圍巢去地

五丈五尺太守平以聞易曰鳥焚其巢旅人先笑
後號咷其後趙飛燕姊妹專寵殺皇子并其母美
人曹偉能事覺趙后亦坐誅此其應也

成帝綏和二年三月天水平襄有燕生爵哺食至大
俱飛去京房易傳曰賊臣在國厥咎燕生爵諸侯
銷一曰生非其類子不嗣世

漢明帝永平中有神雀集宮殿官府冠羽有五采色
帝異之以問賈逵逵對曰此胡降之徵也帝勅蘭
臺給筆札使作神雀頌

漢安帝朝楊震明經博學教授於湖二十餘年有冠
雀銜三鱸魚飛集講堂前都講取魚進曰蛇鱸者
卿大夫服之象也數三者法三台也先生自此升
矣官終太尉

安帝延光三年二月戊子有五色大鳥集濟南臺十月又集新豐

漢桓帝元嘉元年十一月五色大鳥見濟陰漢靈帝光和四年秋五色大鳥見於新城衆鳥隨之時皆以爲鳳凰或以爲皆羽孽時也按樂叶圖說五鳳皆五色爲瑞者一爲孽者四一曰鷓鴣鳩喙圓目身義戴信嬰禮膺仁負智至則旱役之感也屬西方二曰發明鳥喙大頸大翼大腔身仁戴智嬰義膺信負禮至則喪之感也屬東方三曰焦明

長喙疏翼圓尾身義戴信嬰仁膺智負禮至則水之感也屬南方四曰幽昌銳目小頭大身細足頸若鱗葉身智戴信負禮膺仁至則旱之感也屬北方中央曰鳳凰國語曰周之興也鸞鷲鳴岐三國魏文帝黃初元年未央宮中有燕生鷹口爪俱赤此與商紂宋隱同象魏郭恩家有飛鳩來在梁頭鳴甚悲管輅曰當有老三公從東方來携豚一頭酒一壺主人雖喜當有小故明日果有客如所占恩使客節酒戒肉慎火而

射雞作食箭從樹間激中數歲女子手流血驚怖
三國蜀後主建興九年十月江陽至江州有鳥從江
南飛渡江北不能達墮水死者以千數是時諸葛
亮死於渭南諸將分爭頗喪徒旅是其象也此與
漢時楚國烏鬪墮泗水相類矣
三國吳孫亮神鳳二年十一月有五色大鳥五見於
春申吳人以為鳳凰改元五鳳此與桓帝同事
晉武帝泰始四年八月有翟雉飛上闔闔門此止非
所止猶殷宗雉登鼎耳之戒也

晉惠帝元康元年趙王倫既篡京師得異鳥莫能名
倫使人持出周旋城邑市以問人積日宮西有小
兒見之遂自言曰服留鳥翳持者即還白倫倫使
更求又見之乃將入宮密籠鳥并閉小兒戶中明
日視之悉不見時倫有目瘤之疾言服留者謂倫
留將服其罪也尋而倫誅
惠帝太安中周圯家雌雞逃承雷中六月日而下奮
翼鳴將獨毛羽不變其後有陳敏之事卒為玘所
滅

史異 卷之二十三 五
惠帝中人有得鳥毛三丈以示張華華見慘然曰此謂海鳧毛也出則天下亂矣

晉懷帝永嘉元年洛城東北步廣里中地陷有二鶩出其蒼者飛翔冲天白者止焉處士董養聞而歎曰昔周時所盟會狄泉卽此地也今有二鶩蒼者胡象白者國家之象其可盡言乎顧謂阮孚曰易稱知幾其神乎君等可深藏矣是後劉元海石勒相繼亂華

晉安帝隆安四年荊州有雞生角角尋墮落此兵起不終之妖也

安帝義熙三年龍驤將軍朱猗戍壽陽婢炊飯忽有羣鳥集竈競來啄噉婢驅逐不去有獵狗昨殺兩鳥餘鳥因共啄殺狗又噉其肉唯餘骨存此羽蟲之孽亦黑祥也明年六月猗死
晉王機爲廣州刺史入厠忽見二人着烏衣與機相捍良久擒之得二物似烏鴨鮑靚曰此物不祥機焚之徑飛上天機尋誅死
後趙石季龍時鄴城鳳陽門上金鳳凰二頭飛入漳

河
南宋文帝元嘉十四年春正月鳳凰二見于都下衆
鳥隨之改其地曰鳳凰里

南宋晉安王子勛泰始二年正月七日卽僞位於尋
陽城取所乘車除脚以爲輦置僞殿之西其夕有
鳩棲其中鷄集其幃又有禿鶯鳥集城上拜安陸
王子綏爲司徒因雷電晦冥震其黃閣柱鷗尾墮
地又有鷗集其帳上後子勛被執斬于桑尾牙下
南宋明帝太始七年巴陵王休若嘗衆賓滿坐有一

異鳥集席隅哀鳴墮地死又聽事上有二大白蛇
長丈餘哈哈有聲休若甚惡之旋徵入朝僞授江
州刺史賜死

南齊高帝建元初有獻白鳥帝問范雲何瑞答曰臣
聞王者敬宗廟則白鳥至時謁廟始畢帝曰卿言
是也感應之理一至此乎

雲字
彥龍

南梁武帝太清元年帝捨身光嚴重雲殿游仙花生
皆震動三日時海中浮鵠山去餘姚岸可千餘里
上有女人年三百歲有女官道士四五百人年並

出百但在山學道遣使獻紅席帝方捨身時其使
適至云此草常有紅鳥居下故以爲席觀其圖狀
則鸞鳥也開講日有三足鳥集殿之東戶自戶適
于西南縣楣三飛三集白雀一見於重雲閣前連
理樹又有五色雲浮于華林園昆明池上帝旣流
遁益甚境內化之遂至喪亡云
侯景每登武帝所常幸殿若有芒刺在身恒聞叱咄
者又處宴居殿一夜驚起若有物扣其心所居殿
屋常有鶴鷓鳥鳴呼景惡之每使人窮山野捕鳥

景所乘白馬每戰將勝輒躑躅嘶鳴意氣駿逸其
有敗衄必低頭不前及石頭之役精神沮喪卧不
肯動景使左右拜請或加箠策終不肯進果至于

敗

南陳後主禎明二年蔣山衆鳥鼓兩翼以拊膺曰柰
何帝柰何帝
北魏太武帝延和中有白燕集于盛樂舊都玄鳥千
數隨之
北魏宣武帝正始元年夏有典事史元顯獻四足四

翼雞詔問崔光光曰翅足衆多羣下相扇助之象
雛而未大脚羽差小亦其勢尚微易制御也後數
日而茹皓等並以罪失伏法帝禮光逾重
北齊高昂字曹敖神武以爲軍司大都督與西魏戰
敗于芒陰爲追兵所斬先是有鵲巢於庭中地上
家人怪之及其首函至置正當巢處其故吏東方
老爲南兗州刺史追慕其恩爲立祠廟靈像旣成
頭上折裂改而更作裂如初見者咸稱神異
北齊張子信善易筮風角之術武衛奚永洛與子信

對座有鵲鳴庭樹鬪而墜焉子信曰不善向夕當
有風從西南來歷此樹拂堂角則有口舌事今夜
有人喚必不可往雖勅亦以病辭子信去後果有
風如其言是夜琅邪王五使切召永洛且云敕喚
永洛欲起其妻苦畱之稱墜馬腰折不堪動詰朝
難作

北齊蕭放字希逸居父喪以孝聞所居廬室前有二
慈烏來集各據一樹爲巢自午以前馴庭飲啄午
後更不下樹每臨時舒翅悲鳴全似哀泣家人則

之未嘗有闕時以爲至孝之感武平中累遷散騎
常侍

北周宣帝大象二年二月洛陽有禿鶯鳥集新太極
殿前

隋煬帝大業十二年二月甲子夜有二大鳥似鷓飛
入大業殿止于御幄至明而去

大業十二年二月有二孔雀自西苑飛集朝堂親衛
校尉高德儒等十餘人見之奏以爲鸞時孔雀已
去無可得驗于是百官稱賀拜德儒朝散大夫賜

物百段

大業十三年十一月上起宮丹陽將遜于江左有鳥
鵲來巢幄帳驅不能止又有石自江浮入于楊子
日光四散如流血上甚惡之後爲宇文化及所弒
蓋義寧二年三月也

劉武周母嘗夜坐廷中見若雄雞光燭地投其懷起
振衣無有感而娠生武周大業十三年突厥以狼
頭纛立武周爲定楊可汗僭稱帝
夏王竇建德時冬至大會僚吏有五大鳥集其宮羣

鳥從之又宗城人獻玄圭一景城丞孔德紹曰昔天以是授禹今瑞與之侔國宜稱夏建德然之改

元五鳳

隋末

崔信明生於五月五日日方中有異鵲鳴集庭樹太史令史良為占曰五月為火火主離離為文日中文之盛也雀五色而鳴此子將以文顯然雀類微位殆不高邪及長彊記美文章鄉人高孝基嘗語人曰崔生才富為一時冠但恨位不到耳貞觀中官至秦川令

唐高宗調露元年鳴鷄羣飛入塞相繼蔽野至二年正月還復北飛至靈夏北悉墮地而死視之皆無首

唐玄宗友愛諸王時有鵲鴿千數集麟德殿廷樹翔棲浹日左清道率府長史魏光乘作頌以為天子友悌之祥帝喜亦為作頌

唐玄宗開元二十五年四月濮州兩鳥兩鵲兩鸚鵡

同巢

唐代宗大曆八年九月武功獲大鳥肉翅狐首四足

有爪長四尺餘毛赤如蝙蝠羣鳥隨而噪之
唐德宗貞元四年夏鄭汴境內烏皆羣飛集魏博田
緒淄青李納境內衡木爲城高二三尺方十里緒
納惡而焚之信宿又然烏口皆流血

貞元十四年秋有異鳥色青類鳩鵲見于宋州郊外
所止之處羣鳥翼衛朝夕嗾稻梁以哺之睢陽人
適野聚觀者旬日十八年烏集徐州之滕縣嗾柴
爲城中有白鳥一碧鳥一

唐宣宗大中十年三月舒州吳塘堰有衆禽成巢濶

刺七尺高一尺水禽山鳥無不馴狎中有如人面綠
毛紺爪紫者其聲曰甘人謂之甘蟲占曰有鳥非
常來宿于邑中國有兵人相食

唐懿宗咸通中吳越有異鳥極大四目三足鳴山林
其聲曰羅平占與前同
咸通十四年七月宋州襄邑有獵者得雉五足三足
出背上五者衆也出于背者下于上之象也

唐僖宗光啓元年十二月陝州平陸集津山有雉二
首向背而連頭者棲集津倉廡後數月羣雉數百

史異 卷之十三 十三
來鬪殺之

光啓二年七月中條山鵲焚其巢三年七月鵲復焚
巢京房易傳曰人君暴虐鳥焚其舍

唐昭宗天復三年宣州有鳥如雉而大尾有火光如
散星集於戟門明日大火曹局皆盡惟兵械存

宋太祖建隆三年七月南唐李景獻鳳卵

宋太宗至道元年九月京師自旦至酉羣鳥百餘萬

飛翔有聲識者云突厥雀

陳洪進在泉州日方晝有蒼鶴翔集內齋前引吭向

洪進洪進視之有魚鯁其喉卽以手採取之魚猶

活鶴馴擾齋中數日而後去人皆異之後官封岐

國公

太宗六年

宋真宗景德元年五月庚寅午時白州有三鳳自東

來入城中衆禽圍繞至萬歲寺棲百尺木上身長

九尺高五尺文五色冠如金杯申時北向而去畫

圖以聞

宋仁宗時有鳥似鶴集端門稍下及庭中大臣或倡
以爲瑞審刑詳議官梁適曰此野鳥入宮庭耳何

瑞之云適字仲賢

宋徽宗政和後禁苑多為村居野店又聚珍禽野獸

麇鹿鴛鴦禽鳥數百實其中至宣和間每秋風夜

靜禽獸之音四徹宛若深山大澤陂野之間識者

以為不祥

徽宗宣和末南郊禮畢御郊宮端拱殿天未明百辟

方稱賀忽有鸚止鳴於殿屋若與贊拜聲相應和

聞者駭之時已報女真背盟未踰月內禪明年有

陷城之難

宋高宗建炎三年帝在揚州二月辛亥早朝有禽翠

羽飛鳴行殿三匝一再止于宰臣汪伯彥朝冠是

宋月金人入揚州有倉卒渡江之變未幾伯彥罷相

尋坐貶

建炎四年正月丁巳金人圍陝州有鳶鴉數萬飛噪

城上與戰聲相亂金將婁宿曰城當陷急攻之遂

失守近羽孽也

高宗紹興七年梟鳴於劉豫後苑又羣鳥鳴于內庭

如曰休也豫惡之募人獲一梟者予錢五千是歲

偽齊亡也齊地數見怪異有龍撼宣德門滅去宣德二字又星隕于平原識者謂禍不出百日豫怒殺之未幾果廢

紹興二十七年饒州番陽縣有妖鳥身雞尾長喙方足赤日止於民屋數日彈射不能中

宋孝宗乾道六年邵武軍泰寧縣有雀飛鳴立死於瑞寧佛刹香爐先是紹興初是邑有雀立死於丹霞佛刹香爐皆孽也而浮屠氏因謂之雀化

金太宗天會九年七月丙申上御西樓聽政聞咸州所貢白鵲音忽異常上起視之見東樓外光明中有像巍然高五丈許下有紅雲承之若世所謂佛者乃擎蹠脩虔久之而沒

金章宗泰和二年八月磁州武安縣鼓山石聖臺有大鳥十集於臺上其羽五色爛然文多赤黃赭冠雞項尾闊而脩狀若鯉魚尾而長高可逾人九子差小侍傍亦高四五尺禽鳥萬數形色各異或飛或蹲或步或立皆成行列首皆正向如朝拱然初

自東南來勢如連雲聲如殷雷林木震動牧者驚惶卽驅牛擊物以驚之殊不爲動俄有大鳥如鷗鶚者怒來搏擊之民益恐奔告縣官皆以爲鳳凰也命工圖上之留三日西北去按視其處糞迹數頃其色各異遺禽數千累日不能去所食皆巨鯉大者丈餘魚骨蔽地章宗以其事告宗廟詔中外金宣宗元光二年正月辛酉日午有鶴千餘翔于殿庭移刻乃去十一月有狐狼鬼夜哭于輦路鳥鵲夜驚飛鳴蔽天十二月宣宗崩

元順帝至正十一年廣西慶遠府有異禽雙飛見于述昆鄉飛鳥千百隨之其一飛去其一留止者爲撞人射死首長尺許毛羽五色有藏之以獻于帥府者久而其色鮮明如生蓋鳳凰云五月興國有大鳥百餘飛至郡西白朗山巔狀如人立去而復至者數次

至正二十七年三月丁丑朔萊州招遠縣大社里黑風大起有大鳥自南飛至其色蒼白展翅如鷹狀類鶴俄頃飛去遺下粟黍稻麥黃黑豆蕎麥于張

家屋上約數升許是歲大稔

風大賦亦大鳥自南來逐其西蒼白鳥破城而飛

至五三十三平三民丁丑國來出謀密結大城里

立去而

蘇人根

蘇人根

蘇人根

蘇人根

示即帝至五十一

史異編卷之十四

明 晉安余文龍中拙編輯

男兆胤伯景校

莫靈毛蟲 虎狐猫鼠之屬

春秋成公七年鼯鼠食郊牛角改卜牛又食其角

漢昭帝元鳳元年九月燕有黃鼠銜其尾舞王宮端

門中王往視之鼠舞如故王使吏以酒脯祠鼠舞

莫不休一日一夜死近黃祥時燕刺王且謀反將死

之象也其月發覺伏辜京房易傳曰誅不原情厥

妖鼠舞門

漢成帝建始四年九月長安城南有鼠銜黃蒿栢葉

上民冢栢及榆樹上為巢桐栢尤多巢中無子皆

有乾鼠矢數十其後趙皇后自微賤登至尊蓋其

象云

一曰王莽竊位之象

漢靈帝建寧中羣狼數十頭入晉陽南城門嚙人蔡

邕封事曰殘有奇暴則虎狼食人

靈帝於宮中西園駕四白驢躬自操轡驅馳周旋以

為大樂於是公卿貴戚轉相放效至乘輜駟以為

騎從互相侵奪賈與馬齊天意若曰國且大亂賢

愚倒植凡執政者皆如驢也其後董卓亂長安

漢童恢字漢宗除不其令民嘗為虎所害乃設檻捕

之生獲二虎恢聞而出呪虎曰天生萬物惟人為

貴虎狼當食六畜而殘暴於人王法殺人者死汝

若是殺人者當垂頭伏罪自知非者當號呼稱冤

一虎低頭閉目狀如震懼即時殺之其一視恢鳴

吼踴躍自奮遂令放釋吏人為之歌頌

三國魏齊王芳正始中中山王周南為襄邑長有鼠

從穴出語曰王周南爾以某日死周南不應鼠還
 穴後至期更冠幘皂衣出語曰周南汝日中死又
 不應鼠復入穴須臾更出語如向日適欲中鼠入
 須臾復出轉更數語如前日適中鼠曰周南汝不
 應我復何道言絕顛蹶而死卽失衣冠取視俱如
 常鼠按班固說此黃祥也是時曹爽專政競爲比
 周故鼠作變也

二國蜀車騎將軍鄧芝征涪陵見玄猿緣山手射中
 之猿拔其箭卷木葉塞其創芝曰嘻吾違物之性

其將死矣俄而卒此射妖也

晉武帝太康四年會稽彭蠡及蠡皆化爲鼠甚衆復
 大食稻爲災

太康七年十一月景辰四角獸見于河間河間王顯
 獲以獻後王連四方之兵作爲亂階蓋角爲兵象

云

晉高平劉柔夜臥鼠嚙其左手中指以問淳于智智
 曰是欲殺君而不能當爲君使其反死乃以朱書
 手腕橫文後三寸作田字辟方一寸二分使露手

以卧明旦有大鼠伏死手前

後趙石勒嘗備於武安臨水爲遊軍所囚會有羣鹿
徬過軍人競逐之勒乃獲免俄而見一父老謂勒
曰向羣鹿者我也君應爲中州主故相救爾勒拜
而受命後果然

南梁元帝承聖元年十二月天門山獲野人出山三
日而死淮南有野象數百壞人室廬宣城郡猛獸
暴食人

南陳後主禎明二年夏四月戊申有羣鼠無數自蔡

洲岸入石頭淮至于清塘兩岸數日自死隨流入
江

北魏高祐字子集文成末兖州東郡吏獲一異獸送
之京師時無識者詔以問祐祐曰此是三吳所出
厥名鮫鯉餘域率無今我獲之吳楚之地其有歸
國乎又有人於靈丘得玉印一以獻詔以示祐祐
曰印上有籀書二字文曰宋壽壽者命也我獲其
命亦是歸我之徵獻文初宋義陽王昶來奔薛安
都等以五州降附時謂祐言有驗

史異 卷之十四 四
北魏孝武帝永熙三年二月羣鼠浮河竟有西奔之變

北齊張華原字國滿神武時爲兗州刺史先是州境數有猛獸爲暴自華原蒞政州東北七十里甌山中忽有六駿食猛獸咸以爲化感所致

北齊斛律光字明月以女皇后封咸陽王遷太傅武平中天狗西流自太廟及光宅並見血先是三日鼠常晝見光寢至常投食與之一朝三鼠俱死又牀下有二物如黑猪從地走出其穴膩滑大蛇屢

見屋脊有聲如彈丸落又大門橫木自焚擣衣石自移果爲祖珽誣告謀反令劉桃枝於涼風堂拉殺之血流於地剗之迹終不滅

北周高祖武帝建德二年三月周太子獲白鹿以獻

帝曰在德不在瑞代亦帝坐殿於人門而出建德六年秋八月鄭州獲九尾狐皮肉銷盡骨體猶具帝曰瑞應之來必彰有德若使五品時序四海和平家識孝慈乃能致此今無其時恐非實錄命

焚之

隋文帝開皇中東宮多鬼魍鼠妖數見上令蕭吉禳
邪氣於寅慈殿設神坐有回風從艮地鬼門來掃
太子坐吉以桃湯葦火驅逐之風出宮門而止謝
土於未地設壇爲四門置五帝坐于時寒有蝦蟆
從西南來入人門升赤帝坐還從人門而出行數
步忽然不見上大異之三月風大子驚曰風以
隋齊王暕字世胄徙河南尹開府儀同三司帝在江
都宮元會暕具法服將朝無故有血從裳中而下
又坐齋中見羣鼠數十至前而死視皆無頭暕甚

惡之俄而宇文文化及作亂暕與二子俱遇害

唐高祖武德元年秋李密王世充隔洛水相距密營
中鼠一夕渡水盡去占曰鼠無故皆夜去邑有兵

也

唐高宗永徽四年永州人蔡道基舍傍有獸高丈餘
頭類羊一角鹿形馬蹄牛尾五色有翅占曰鳥如

高畜形者有大兵

高宗調露元年十一月泰州神亭治北霧開如日初

耀有白鹿白狼見近白祥也

高宗永淳中嵐勝州兔害稼千萬為羣食苗盡兔亦
不復見

高宗弘道初梁州倉有大鼠長二尺餘為貓所嚙數
百鼠反嚙貓少選聚萬餘鼠州遣人捕擊殺之餘
皆去

唐中宗神龍中有羣狐入御史大夫李承嘉第其堂
無故壞又秉筆而管直裂易之又裂

唐睿宗景雲中有蛇鼠鬪於右威衛營東街槐樹蛇
為鼠所傷此兵象也

唐代宗時朱泚軍中猫鼠同乳表其瑞詔示宰相常

袞袞率羣臣賀吏部侍郎崔祐甫獨曰可弔不可
賀詔使問狀對曰臣聞禮迎猫為其食田鼠以其

為人去害雖細必錄今猫受畜於人不能食鼠而
反乳之無乃失其性耶猫職不脩其應若曰法吏

宋有不觸邪彊吏有不扞敵臣愚以為當命有司察
貪吏誠邊候勤徼巡則猫能致功鼠不為害帝異

宋其言

唐懿宗咸通十二年正月汾州孝義縣民家鼠多銜

蒿芻巢樹上鼠穴屈去穴登木賤人將貴之象
宋真宗咸平二年十二月黃州長析村二虎夜鬪一

死食之殆半占云守臣災明年知州王禹偁卒

宋仁宗嘉祐三年六月丁卯交趾貢異獸二初本國

稱貢麒麟狀如牛身被肉甲鼻端有角食生芻果

必先以杖擊其角然後食既至而樞密使田況辨

其非麟詔止稱異獸

宋徽宗宣和七年秋有狐由艮嶽直入禁中據御榻

而坐詔毀狐王廟

宋高宗紹興十三年南康縣雷雨羣狐震死于巖穴

中巖石皆為碎

紹興十六年清遠翁源真陽三縣鼠食稼千萬為羣

時廣東久旱凡羽鱗皆化為鼠有獲鼠於田者腹

猶蛇文漁者夜設網且視皆鼠自夏徂秋為患數

月方息

紹興二十二年劉彭老家猫產數子皆三足

宋孝宗乾道七年潮州野象數百食稼農設阱田間

象不得食率其羣圍行道車馬斂穀食之乃去

孝宗淳熙五年八月江陵府郭外羣鼠塞路其色黑
宋白青黃各異爲車馬踐死者不可勝計逾三月乃

息

淳熙十年滁州有熊虎同入樵民舍夜自相搏死

宋光宗紹熙元年三月臨安府民家猫生子一有八

足二尾

宋寧宗慶元元年六月鄱陽縣民家一猫帶數十鼠
行止食息皆同如母子相哺者民殺猫而鼠舐其
血鼠象盜猫職捕而反相與同處司盜廢職之象

也

宋理宗淳祐中包恢知隆興府有妖妓惑人恢沈之
於水化爲狐人皆神之

金宣宗貞祐三年六月京城中夜妄相驚逐狼月餘
方息

元順帝至正十年彰德境內狼獾爲害夜如人形入
人家哭就人懷抱中取小兒食之

史異編卷之十四 終

史異

卷之十四

九

史異編卷之十五

明 晉安余文龍中拙編輯

男兆胤伯景校

晉大羸蟲

蝗螟之屬

秦始皇四年十月庚寅蝗蟲從東方來蔽天天下疫

百姓內粟千石拜爵一級

漢成帝建始元年六月有青蠅無萬數集未央宮殿

中朝者坐

晉懷帝永嘉四年五月大蝗自幽州司冀至于秦雍

草木牛馬毛鬣皆盡

大豐自幽州同冀至于秦

晉咸康四年北趙冀州八郡蝗司隸請坐守宰趙王

虎曰此朕失政所致而欲委咎守宰豈罪已之意

耶司隸不進讜言佐朕不逮而欲妄陷無辜可白

衣領職

後趙建武四年

東衣來燕天天不逃

晉太元七年秦劉蘭討蝗不能滅有司請徵下廷尉

秦王堅曰災降自天非人力所能除此由朕之失

政蘭何罪乎是歲大熟蝗不食麻豆

前秦建元十

八年

南梁武帝太清二年九月益州市有飛蜂萬羣螫人

死

南梁宜豐侯脩字世和徙梁秦二州刺史在漢中七

年移風改俗人號慈父長史范洪胄有田一頃將

遇秋蝗脩躬至田所深自咎責或勸捕之脩曰此

由刺史無德所致捕之何補言卒忽有飛鳥千羣

蔽日而至瞬息之間食蟲遂盡而去莫知何鳥臺

使以聞帝璽書勞問曰犬牙不入無以過也一夕

忽有狗據脩所卧牀而卧脩曰此其戎乎因大脩

史異 卷之五
城壘承聖元年果爲魏所攻力屈乃降
北齊文宣帝天保八年六月河南北大蝗齊主以問
郡丞崔叔瓚對曰五行志土功不時蝗蟲爲災今
外築長城內興三臺殆以此乎齊主大怒使左右
毆之擢其髮以溷沃之曳足以出
天保八年自夏至九月河北六州河南十三州畿內
八郡大蝗飛至鄴蔽日聲如風雨詔遭蝗處免租
北周宣帝大象元年八月所在螳羣鬪各四五尺死
者十八九

唐太宗貞觀二年六月京畿旱蝗太宗在苑中掇蝗
祝之曰人以穀爲命百姓有過在予一人但當蝕
我無害百姓將吞之侍臣懼帝致疾遽以爲諫帝
宋曰所冀移災朕躬何疾之避遂吞之是歲蝗不爲
災

唐玄宗開元二十五年貝州蝗有白鳥數千萬羣飛
食之一夕而盡禾稼不傷西來而不至
唐文宗太和九年鄭注篋中藥化爲蠅數萬飛去注
始以藥術進化爲蠅者敗死之象近青眚也

文宗開成元年京城有蟻聚長五六十步濶五尺至
一丈厚五寸至一尺者

唐僖宗光啓二年淮南蝗自西來行而不飛浮水緣
城入揚州府署竹樹幢節一夕如剪幡幟畫像皆
齧去其首撲不能止旬日自相食盡

宋仁宗景祐四年五月滑州靈河縣民黃慶家蠶自
成被長二丈五尺闊四丈

宋哲宗元符元年九月深澤縣野蠶成蠶織絰成萬
匹

宋孝宗淳熙九年七月淮甸大蝗真楊泰州窖撲蝗
五千斛餘郡或日捕數十車羣飛絕江墮鎮江府
皆害稼

宋寧宗嘉定二年浙西諸縣大蝗自丹陽入武進若
煙霧蔽日其墮亘十餘里常之三縣捕八千餘石
湖之長興捕數百石

金章宗承安元年六月平晉縣民利通家蠶自成綿
段長七尺一寸五分闊四尺九寸

元成宗元貞二年五月隨州野蠶成蠶亘數百里民

取爲續

元文宗至順二年三月晉冀深蠡等州縣蟲夜食桑
書匿土中人莫捕之

元順帝至正十年七月同州蟲食稼郡守石亨祖禱
于玄妙觀寒雨三日蟲盡死

至正十九年大都霸州通州真定河間山東大同晉
寧汴梁諸路皆蝗食禾稼草木俱盡所至蔽日礙
人馬不能行填坑塹皆盈饑民捕蝗以爲食或曝
乾而積之又罄則人相食
史異卷之十五終

史異編卷之十六

明 晉安余文龍中拙編輯

男兆胤伯景校

謠讖 凡訛狂皆是

春秋釐公五年八月甲午晉侯圍上陽童謠云丙子
之辰龍尾伏辰衲服振振取虢之旂鶉之賁賁天
策焯焯火中成軍虢公其奔卜偃曰其九月十月
之交乎丙子旦日在尾月在策鶉火中必是時也
冬十二月丙子滅虢

文成之世童謠曰鸚之鵠之公出辱之鸚鵠之羽公

在外野往饋之馬鸚鵠跌跌公在乾侯徵褰與孺

鸚鵠之巢遠哉搖搖稠父喪勞宋父以驕鸚鵠鸚

鵠往歌來哭至昭公時有鸚鵠來巢公攻季氏敗

出奔齊居外野次乾侯八年死于外歸葬魯昭公名稠

子定公名宋

黃帝終始傳曰漢興百有餘年有人不短不長出白

燕之鄉持天下之政時有嬰兒主卻行車嬰兒主昭帝也

言霍光持政擅權過帝令如卻行車使不前也光係黃帝後故傳識云然

漢成帝時童謠曰燕燕尾涎涎光澤貌張公子時相見

木門倉琅根燕飛來啄皇孫皇孫死燕啄矢其後

帝常與富平侯出遊見飛燕於河陽主家而幸之

立為皇后弟昭儀賊害後宮皇子卒皆伏辜

成帝時謠曰邪徑敗良田讒口亂善人桂樹華不

實黃爵巢其顛故為人所羨今為人所憐桂赤色

漢家象華不實無繼嗣也王莽自謂黃象蓋巢其

顛云

成帝綏和二年八月鄭通里男子王褒衣絳衣小冠

帶劔入北司馬門殿東門上前殿入非常室中解
維組結佩之招前殿署長業等曰天帝令我居此
業等收縛考問褒故公車大誰卒大誰官名主病
狂易變也自知入宮狀下獄死

漢汝南舊有鴻郤詩丞相翟方進奏毀敗之

尋而自夢上天天帝怒曰何故敗我濯龍淵是後

民失其利多致饑困時有謠歌曰敗我陂者翟子

威方進字也飴我大豆亨我芋魁反乎覆後當復至建

武中太守鄧晨署許揚爲都水掾使脩復之百姓

得其便累歲大稔豪右有譖楊受賕賂者遂收楊

下獄而械輒自解獄吏恐遽白晨晨驚曰果濫矣

卽夜出楊遣歸時天大陰晦道中若有火光照之

時人異焉

漢哀帝建平四年正月民驚走持橐或振麻幹一枚

傳相付與曰行詔籌道中相過逢多至千數或被

髮徒踐或夜折關踰墻入或乘車騎奔馳以致驛

傳行經歷郡國二十六至京師其夏京師郡國民

聚會里巷阡陌設祭張博具歌舞祠西王母又傳

書曰母告百姓佩此書者不死不信我言視門楹下當有白髮至秋止。

漢更始時南陽有童謠曰諧不諧在赤眉得不得在河北後更始遂爲赤眉所殺世祖自河北興

漢光武受命河圖赤伏符曰劉季發兵捕不道四夷雲集龍鬪野四七之際火爲主河圖會昌符曰赤劉之九會命岱宗不愼克用何益于承誠善用之姦僞不萌建武三十年二月羣臣上言宜封禪泰山詔書曰卽位三十年百姓怨氣滿腹吾誰欺欺

天乎曾謂泰山不如林放何汗七十二代之編錄桓公欲封管仲非之若郡縣遠遣吏上壽盛稱虛美必髡兼令屯田從此羣臣不敢復言

漢順帝之末京都童謠曰直如弦死道邊曲如鉤反封侯是時太尉李固幽斃于獄暴屍道路而太尉胡廣司徒趙戒司空袁湯皆以附梁冀封侯云

漢桓帝之初天下童謠曰小麥青青大麥枯誰當穫者婦與姑丈人何在西擊胡吏買馬君具車請爲諸君鼓隴胡也

咽語也

桓帝初京都童謠曰城上烏尾畢逋公為吏子為徒
 一徒死百乘車車斑斑入河間河間婉女工數錢
 為室金為堂石上慊慊春黃梁梁下有懸鼓我欲
 擊之丞卿怒案此皆謂人主好聚斂為貪政也

桓帝末京都童謠曰茅田一頃中有井
言羣賢眾多雖阨窮不失

法度也四方纖纖不可整
言姦慝大熾不可整理嚼復嚼
言小人也

宴飲今年尚可後年饒
言今但禁錮後陳寶被誅天下大壞

漢靈帝熹平二年六月雒陽民訛言虎賁寺東壁中
 有黃人形容鬚眉良是觀者數萬省內悉出道路

斷絕至中平元年張角兄弟起兵冀州自號黃天
 是其應也

靈帝光和元年五月何人白衣欲入德陽門辭我梁
 伯夏教我上殿為天子中黃門相賢等呼門吏僕
 射欲收縛何人吏未到須臾還走求索不得不知
 姓名

靈帝光和中雒陽男子夜龍以弓箭射北闕吏收考
 問辭居貧負責無所聊生因買弓箭以射近射妖
 也

靈帝之末京都童謠曰侯非侯王非王千乘萬騎上
北芒後獻帝與陳留王爲中常侍段珪等所劫董卓
卓率衆迎帝于北芒阪下還宮

獻帝踐祚之初京師童謠曰千里草何青青十日卜
不得生言董卓暴盛而旋破亡也

三國魏明帝太和中京師歌兒鈴子其唱曰其奈汝
曹何此詩妖也其後曹爽見誅曹氏遂廢

魏明帝太和中姜維歸蜀失其母魏人使其母手書
呼維令反并寄當歸以警之維報書曰良田百頃

不計一畝但見遠志無有當歸維卒不免

魏明帝景初初童謠曰阿公阿公駕馬車不意阿公
東渡河阿公來還當奈何後宣帝果自遼東渡河
而歸

魏明帝青龍三年張掖郡刪丹縣金山玄川溢涌寶
石負圖狀象靈龜廣一丈六尺長一丈七尺一寸
圍五丈八寸立于川西有石馬七其一仙人騎之
其一羈絆其五有形而不善成有玉匣關蓋於前
上有王字玉玦二璜一麒麟在東鳳鳥在南白鹿

在西犧牛在北馬自中布列四面色皆蒼白其南
 有五字曰上上三天王又曰述大金大討曹金但
 取之金立中大金馬一匹在中大告開壽此馬甲
 寅述水凡中字六金字十又有若八卦及列宿字
 彗之象詔頒天下以為嘉瑞任令于綽以問鉅鹿
 張琿琿曰夫神以知來不追已往祥兆先見而後
 廢興從之今漢久亡魏已得之何所追興祥兆乎
 此石當今之變異而將來之符瑞也

出魏氏春秋

又氏

池縣大柳谷口夜激波涌溢其聲如雷曉而存蒼

石立水中長一丈六尺高八尺白石畫之為十三

馬一牛一鳥八卦玉玦之象皆隆起其文曰大討

曹適水中甲寅帝惡其討也使鑿去為計以蒼石

室之宿昔而白石滿焉至晉初其文愈明馬象皆

煥赤如玉焉

出漢晉春秋按搜神記所載與此二說不同

魏齊王芳嘉平初東郡有訛言云白馬河出妖馬夜

過官牧邊嗚呼衆馬皆應明日見其跡大如斛行

數里還入河中又有謠曰白馬素羈西南馳其誰

乘者朱虎騎朱虎者楚王小字也封白馬兖州刺

史王凌令狐愚聞此謠謀立彪事發凌等伏誅彪
賜死

三國蜀劉禪嗣位譙周曰先主譙備其訓具也後主
譙禪其訓授也若言劉已具矣當授與人甚於晉
穆侯漢靈帝命子之祥也蜀果亡此言之不從也
三國吳孫亮初公安有白鼃鳴童謠曰白鼃鳴龜背
平南郡城中可長生守死不去義無成明年恪敗
弟融鎮公安亦見襲刮金印龜服之而死
吳孫亮初童謠曰吁汝恪何若若蘆葦單衣蔑鈎落

於何相求常子閣常子閣者反語石子岡也鈎絡
鈎帶也及諸葛恪死果以蘆葦裹身蔑束其要投
之石子岡

吳孫休永安三年將守質子羣聚嬉戲有異小兒忽
來言曰三公鋤司馬如又曰我非人熒惑星也言
畢上昇仰視若曳一匹練有頃沒後三國一統於
晉是其驗也

吳孫皓天紀中童謠曰阿童復阿童銜刀遊渡江不
畏岸上獸但畏水中龍武帝聞知加王濬龍驤將

軍果平吳

晉武帝太康三年平吳後江南童謠曰局縮肉數橫
目中國當敗吳當復又曰宮門柱且莫朽吳當復
在三十年後又曰雞鳴不拊翼吳復不用力按橫
目者四字後元帝興於江東去吳亡幾四十年皆
如謠言

晉楊駿字文長以后父超居重位受遺輔政永熙中
溫縣有人如狂造書曰光光文長大戟爲牆毒藥
雖行戟還自傷駿居內府常以戟爲衛東安公繇
等率殿中兵圍駿府駿逃于馬廐以戟殺之言果
驗

晉惠帝元康中京洛童謠曰南風起吹白沙遙望魯
國何嗟峨千歲髑髏生牙齒又曰城東馬子莫嚙
啣比至來年纏汝髮南風賈后字白晉行也沙門
太子小名魯賈謚國也言后將與謚爲亂以危太
惠子而趙王因釁咀嚼豪賢以成篡奪不得其死之
應也

元康中天下商農通著大鄣日時童謠曰屠蘇鄣日

覆兩耳當見瞎兒作天子及趙王倫篡位其目實
眇焉

惠帝永寧初齊王冏唱義兵誅除亂逆乘輿反正忽
有婦人詣大司馬門求寄產門者詰之婦曰我截
臍便去耳又有白頭公入大司馬府大呼曰有大
兵起不出甲子旬冏殺之明年十二月戊辰冏敗
卽甲子旬也

惠帝太安元年四月有人自雲龍門入殿前北面再
拜曰我當作中書監卽收斬之于寶以爲禁庭尊
秘之處今賤人徑入而門衛不覺者宮室將虛而
下人踰上之妖也後帝北遷鄴又遷長安宮闕遂
空焉

惠帝永安中童謠曰五馬游渡江一馬化爲龍後中
原大亂宗藩多絕惟琅邪汝南西陽南頓彭城同
至江東而元帝嗣統矣司馬越還洛有童謠曰洛
中大鼠長尺二若不早去大狗至後苟晞搆難破

汲桑

晉王竣字彭祖懷帝以爲大司馬加侍中大都督將

僭號恣行殺戮時童謠曰幽州城門似藏戶中有
伏尸王彭祖有狐踞府門翟雉入聽事後石勒詐
降於竣執而殺之不早去大除道必成御溝
晉張寔字安遜建興初授涼州刺史領護羌校尉西
平公蘭池長趙爽上軍士張永得璽文曰皇帝行
璽羣僚稱賀寔曰孤常忿袁本初癡想諸君何忽
有此言因送于京師忽一日寢室梁間有人像無
頭久而乃滅寔甚惡之後爲帳下閻沙等所殺
晉建興二年王浚謀僭稱尊號矜豪日甚不親政事

所任皆苛刻小人棗嵩朱碩貪橫尤甚北州謠曰
府中赫赫朱丘伯十囊五囊入棗郎

晉張駿字公庭襲父寔職西平公其初立也姑臧謠
曰鴻從南來雀不驚誰謂孤雛尾翅生高舉六翮
鳳凰鳴至建興十二年果收復河南之地
桓玄旣篡童謠曰草生及馬腹烏啄桓玄目及玄敗
走至江陵時正五月中誅如期焉

晉成帝之末童謠曰磴磴何隆隆駕車入梓宮少日
而崩

晉建元元年有人入秦明光殿大呼曰甲申乙酉魚
羊食人悲哉無復遺秦王堅命執之不獲朱彤趙
整固請誅諸鮮卑不聽前秦建元九年

晉哀帝隆和初童謠曰升平不滿斗隆和邠得久桓
公入石頭陛下徒跣走哀帝尋崩升平五月穆帝
崩不滿斗升平不至十年也

晉海西公初生皇子百姓歌曰鳳凰生一雛天下莫
不喜本言是馬駒今定是龍子其歌甚美其旨甚
微海西公不男使左右向龍與內侍接生子以爲

已子

海西公太和中百姓歌曰青青御路楊白馬紫遊韁
汝非皇太子邠得甘露漿海西公尋廢三子並以
馬韁縊死明日南方獻甘露焉

海西公時庾晞四五年中喜爲挽歌自搖大鈴爲唱
使左右齊和又讌會輒令倡妓作新安人歌舞離
別之辭其聲悲切時人怪之後果敗

晉孝武帝太元末京口謠曰黃雌雞莫作雄父啼一
旦去毛衣衣被拉颯栖尋而王恭起兵誅王國寶

旋為劉牢之所敗故言拉颯栖也

或云精玉四寶

前秦苻健時新平有長人見語百姓張靖曰苻氏應

天受命今當太平外面者歸中而安秦問姓名弗

答俄而不見新平令以聞健以為妖下靖獄會大

雨霖河渭溢蒲津監寇登得一屐於河長七尺三

寸人跡稱之指長尺餘文深一寸健歎曰覆載之

中何所不有張靖所見定不虛也赦之

前秦苻生時長安謠曰東海大魚化為龍男便為王

女為公問在何所洛門東東海苻堅封也時為龍

驤將軍第在洛門之東生不知誅其侍中太師魚

遵及其七子十孫時又謠曰百里望空城鬱鬱何

青青瞎兒不知法仰不見天星於是悉壞諸空城

以禳之尋為苻堅苻法所殺

生無一目故曰瞎兒

大半點

前秦苻堅時天鼓鳴有彗星出于尾箕長十餘丈名

蚩尤旗經太微埽東井自夏及秋冬不滅太史令

張孟言於堅彗起尾箕而埽東井此燕滅秦之象

因勸堅誅慕容暉及其子弟堅不納後慕容泓竟

叛堅姚萇與慕容冲縊堅于新平佛寺中先是童

史記 卷之二十一
謠云河水清復清苻堅死新城堅聞而惡之每征
伐戒軍候云地有名新者避之又童謠云阿堅連
牽三十年若後欲敗當在江淮間堅在位二十七
年後二年縊死謠言驗矣
後燕慕容熙既僭尊位遂爲昭儀苻氏鑿曲光海清
涼池季夏盛暑士卒不得休息暍死者大半熙遊
於城南止大柳樹下若有人呼曰大王且止熙惡
之伐其樹乃有虵長丈餘從樹中而出後爲慕容
雲所殺初童謠曰一東藁兩頭然禿頭小兒來滅

燕藁字上有草下有禾兩頭然則禾草俱盡而成
高字雲原姓高父名拔小字禿頭三子而雲季也
謠言果驗

南燕慕容德時圖讖秘文曰有德者昌無德者亡德
受天命柔而復剛又有謠曰大風蓬勃揚塵埃八
井三刀卒起來四海鼎沸中山頽惟有德人據三
臺後果殺寶卽尊號
南宋孝武帝大明二年竟陵王誕鎮廣陵發人築廣
陵城誕循行有人干輿揚聲大罵曰大兵尋至何

史異 卷之二十一 十四
以辛苦百姓誕使執之間其本末答曰姓夷名孫
家在海陵天公與道佛先議欲燒除此間人道佛
苦諫強得至今大禍將至何不立六慎門誕問六
慎門云何答曰古有言禍不過六慎門誕以其言
狂悖殺之又五音士忽狂易見鬼驚怖啼哭曰外
軍圍城城上張白布帆誕執錄二十餘日乃殺城
陷之日雲霧晦冥白虹臨北門亘屬城內

會稽剡縣有山名刻石父老相傳云山雖名刻石而
不知文字所在南宋昇明末縣人兒襲祖行獵忽

見石上有文字凡三處苔生其上字不可識乃去

苔視之其大石文曰此齊者黃石公之化氣也立

石文曰黃天星姓蕭字道成得賢師天下太平小

石文曰刻石者誰會稽南山李斯刻秦望之風也

河洛讖曰歷年七十水滅緒風雲俱起龍鱗舉又曰

肅肅草成道德盡備案宋水德也晉義熙元年宋

武帝王業之始至齊受命七十年又曰上參南斗

第一星下立草屋爲紫庭神龍之岡梧桐生鳳鳥

戢翼朔旦鳴南斗吳分野草屋者居上蕭字象也

王子年歌曰欲知其姓草蕭蕭穀中最細低頭熟
鱗身甲體永興福穀中精細者稻也卽道也熟猶
成也高帝生鱗文徧體此其應云又曰益州有山
益州有山古老相傳曰齊后山宋昇明三年四月二
十三日有沙門玄暢者於此山立精舍其日齊高
帝登尊位其月二十四日滎陽郡人尹千於嵩山
東南隅見天雨石墜地石開有玉璽在其中璽方
三寸文曰茂下之人與道俱肅然入草應天符掃
平河洛清魏都又曰皇帝運興千奉璽詣雍州刺

史蕭赤斧以獻

南齊武帝年十三夢人以筆畫身左右爲兩翅又著
孔雀羽衣裳空中飛舉體生毛髮長至足有人指
天上所踐地曰周文王之田又於所住堂內得璽一
枚文曰皇帝行璽又得異錢文爲北斗星雙刀雙
貝及有人形帶劍焉夏六月日帶下指言休咎
武帝永明十一年先是魏地謠言赤火南流喪南國
是歲有沙門從北齊此火而至色赤於常火而微
云以療疾貴賤爭取之多得其驗二十餘日都下

大盛咸云聖火詔禁之不止火炙至七炷而疾愈
吳興丘國賓密以還鄉邑人楊道隆虛疾二十年
依法灸卽差七月上崩

南梁武帝天監十三年夏六月都下訛言有棖棖取
人肝肺及血以飴天狗百姓大懼二旬而止

天監中沙門釋寶誌爲詩曰昔年三十八今年八十
三四中復有四城北火酣酣帝使周捨封記之及
中大同元年同泰寺災帝啓封見捨手迹爲之流
涕帝生于甲辰三十八尅建鄴之年也遇災歲丙

寅八十三矣四月十四日火起浮屠蓋其應云

武帝時人間謠曰鹿子開城門城門鹿子開當門復
未開使我心徘徊城中諸少年逐歡歸去來鹿子
開者反語爲來子哭昭明太子統果以疾薨嫡孫
歡止封豫章王歡前爲南徐州刺史所謂歸去來
也

統字德施小字維摩歡字孟孫

南梁武陵王紀字世詢大寶二年四月乙丑僭號於
蜀改年曰天正識者尤之以爲於文天爲二人正
爲一止言各一年而止也後果與子圓照並爲元

帝所禽

天監中沙門釋寶誌爲讖云太歲龍將無理蕭經霜
草應死餘人散十八子時言蕭氏當滅李氏代興
故湘州賊陸納等拜李洪雅爲大將軍尊事爲主
入長沙城以應符讖三月庚寅有兩龍自城西江
中騰躍升天五色分明遙映江水百姓咸仰面目
之父老或聚而悲竊相謂曰地龍已去國其亡乎
卒爲元帝所平

侯景篡位改元爲太始修飾臺城及朱雀宣陽等門
童謠曰的脰烏拂朱雀還與吳又曰脫青袍著芒
屨荊州天子挺應著先是天監中沙門釋寶誌曰
掘尾狗子自發狂當死未死嚙人傷須臾之間自
滅亡起自汝陰死三湘又曰山家小兒果攘臂太
極殿前作虎視狗子景小字山家小兒猴狀景遂
覆陷都邑毒害皇家起自懸瓠卽昔之汝南巴陵
有地名三湘景奔敗處其言皆驗

南陳後主禎明二年上起齊雲觀國人歌曰齊雲觀
寇來無際畔

後主初在東宮時有婦人突入唱曰畢國主有鳥一
足集其殿庭以觜畫地成文曰獨足上高臺盛草
變爲灰欲知我家處朱門當水開解者以爲獨足
蓋指後主獨行無衆盛草言荒穢隋承火運草得
火而灰及至京師與其家屬館于都水臺所謂上
高臺當水開也其言皆驗

梁末童謠云可憐巴馬子一日行千里不見馬上郎
但見黃塵起黃塵汚人衣早筴相料理及僧辯滅
羣臣以謠言奏聞曰僧辯本乘巴馬以擊侯景馬

上郎王字也塵謂陳也而不解早筴之義旣而陳
滅於隋說者以爲江東謂殺羊角爲早筴隋氏姓
楊楊羊也言終滅於隋

北魏太武帝太延元年六月有鄙婦人持方寸玉印
詣潞縣侯孫家旣而亡去莫知所在印有三字爲
龍鳥之形要妙奇巧不類人迹文曰旱疫平

太延中涼有老父投書于敦煌東門忽然不見其書
紙八字文曰涼王三十年若七年涼王牧犍以問
奉常張慎慎對曰昔號之將亡神降于莘願陛下

崇德脩政以享曰三十年之祚若盤于遊田荒于酒色臣恐七年將有大變牧犍不悅又於震電所得石丹書曰河西河西三十年破帶石樂七年帶石青山名在姑臧南山祀傍泥陷不通大沮渠牧犍征南大將軍董來曰祀豈有知乎遂毀祀伐木通道而行牧犍立果七年而滅

太武帝太平真君七年夏四月戊子毀鄴城五層佛

圖於泥像中得玉璽二其文皆曰受命於天既壽

永昌其一刻其傍曰魏所受漢傳國璽

北魏文成帝興安二年八月於苑內獲方寸玉印其文曰子孫長壽詔百姓大酺三日降殊死已下囚北魏孝明時洛下以兩拔相擊謠言銅拔打鐵拔元家歲將末好事者以二拔謂拓拔賀拔言俱將衰敗之兆

北魏莊帝永安中洛中謠曰三月末四月初楊灰簸土覓真珠又曰頭去項脚根齊驅上樹不須梯普泰時爾朱彥伯及世隆竝爲張勸等所斬縣首於斛斯椿門樹

北魏咸陽王禧以逆謀賜死宮人爲之歌曰可憐咸陽王柰何作事誤金牀玉几不能眠夜蹋霜與露洛水湛湛彌岸長行人那得度其歌遂流至江表北人之在南者雖富貴聞絃管奏之莫不灑泣

東魏孝靜帝天平四年六月壬申齊神武如天池獲瑞石隱起文曰六王三川

北齊初有讖云羊飲盟津角柱天至文宣時陽平郡界回星驛旁有大水土人常見羣羊數百立卧其中就視不見按文宣名洋盟津水也羊飲水王名

也角柱天大位也文宣果受禪登祚改年爲天保士有深識者曰天保之字爲一大人只十帝其不過十乎竟以十年卒

北齊昭帝皇建時童謠云中興寺內白鳧翁四方側聽聲雍雍道人聞之夜打鐘時丞相府在北城中卽舊中興寺也鳧翁謂雄雞蓋指武成小字步落稽也道人濟南王小名也打鐘言將被擊也後果

殺濟南王而立武成

濟南王廢帝殷也

北齊武成帝太寧時童謠云周里跛求伽豹祠嫁石

婆斬冢作媒人唯得一量紫縹靴時武明太后病
內史皆令呼爲石婆徐之才曰跂求伽胡言去已
豹祠嫁石婆豈有好事斬冢作媒人勿令合葬自
斬冢惟得紫縹靴者紫之爲字此下系縹者熟當
在四月之中靴者革傷化寧是久物至四月一日
后果崩

武成帝河清三年六月晉陽訛言有鬼兵百姓競擊
銅鐵以捍之

北齊後主天統元年四月武成傳位於皇太子始將
傳政使內參乘子尙乘驛送詔書于鄴子尙出晉
陽城見人騎隨後忽失之尙未至鄴而其言已布
矣

北齊河間王孝琬天統中累遷尙書令與祖珽和士
間有隙初魏世謠言河南種穀河北生白楊樹頭
金雞鳴珽以說曰河南河北河間也金雞鳴孝琬
將建金雞而大赦帝頗惑之後因事而被殺

隋文帝開皇初邵州人楊令愬近河得青石圖一紫
石圖一皆隱起成文有楊堅字下云八方天心永

州又得石圖剖爲兩段有楊樹之形黃根青葉汝
水得神龜腹下有文曰天下楊興安邑掘地得古
鐵板文曰皇始天年賁楊鐵券王興同州得石龜
文曰天子延千年大吉

王世充字行滿欲僭僞號道士桓法嗣自言解圖讖
乃上孔子閉房記畫作大夫持一干以驅羊云楊
隋姓也干一者王字也王居楊後明相國代隋爲
帝也又取莊子人間世德充符二篇上之言當應
符命爲天子世充大悅卽拜受之僭卽皇帝位建

元開明國號鄭旋降于唐

唐太宗貞觀十四年交河道行軍六總管侯君集伐
高昌先是其國中有童謠曰高昌兵馬如霜雪漢
家兵馬如日月日月照霜雪回首自消滅

唐高宗永淳元年七月東都大雨人多殍殍先是童
謠曰新禾不入箱新麥不入場迨及八九月狗吠
空垣墻

唐武后時安樂公主于洛州造安樂寺童謠曰可憐
安樂寺了了樹頭懸景龍

中宗年號

又謠曰可憐聖善

寺身著綠毛衣牽來河裏飲踏殺鯉魚兒
唐玄宗天寶中有術士李遐周于玄都觀院廡間爲
詩曰燕市人皆去函關馬不歸人逢山下鬼環上
繫羅衣人皆不悟近詩妖也

安祿山未反時童謠曰燕燕飛上天天上女兒鋪白
氍毹上有千錢時幽州又有謠曰舊來誇戴竿今
日不堪看但看五月裏清水河邊見契丹

唐代宗大曆八年有晉州男子郇謨以麻總髮持竹
筒葦席行哭長安東市人問之曰我有三十字欲

以獻上字言一事卽不中以筒貯屍席裹而棄之

京兆以聞帝召見賜以衣館內客省問狀多譏切

宰相元載其言團者願罷諸州團練使其言監者

請罷諸道監軍大抵類此先是天下兵興凡要州

權署團練刺史載用事授刺史者悉帶團練以悅

人心故謨指而刺云

唐德宗時或爲詩曰此水連涇水雙眸血滿川青牛
逐朱虎方號太平年朱泚未敗前兩月有童謠曰
一隻筋兩頭朱五六月化爲胆

唐僖宗乾符中童謠曰金色蝦蟆爭弩眼翻却曹州
天下反又謠曰八月無霜寒草青將軍騎馬出空
城漢家天下西巡狩猶向江東更索兵

董昌僖宗朝拜檢校太尉隴西郡王有山陰老人獻
偽謠曰欲知天子名日從日上生方士朱思遠詭
言天符夜降碧楮朱文不可識昌曰讖言免上金
牀我生於卯明年歲旅其次二月朔之明日皆卯
也我以其時當即位客倪德儒曰咸通末越中秘
記言有羅平鳥主越禍福中和時鳥見吳越四月

而三足其鳴曰羅平天册民祀以禳難今大王署
名文與鳥類即圖以示昌昌大喜乾寧二年即偽
位國號大越羅平建元曰天册鑄銀印方四寸文
曰順天治國之印先是州寢有赤光長十餘丈虺
長尺餘金色見思道亭昌署寢曰明光殿亭曰黃
龍殿以自神後竟為全武所滅

武錢鏐將也

五代唐應順元年有瞽者張濛自言事太白山神其
言吉凶無不中廢帝起於鳳翔客將房暲使濛問
於神神傳語曰三珠併一珠驢馬没人驅歲月甲

庚午中興戊巳午晷不曉其義問濛濛曰神言如此我能傳之不能解也後帝卽位之日受冊明宗正正樞前冊曰維應順元年歲次甲午四月庚午朔帝回顧晷曰張濛神言豈不驗哉神魏崔浩也

宋以周顯德七年庚申得天下圖讖謂過唐不及漢一沛二杭三閩四廣又有寒在五更頭之謠故更漏有六更按漢四百二十餘年唐二百八十九年開慶元年宋祚過唐十一年滿五庚申之數至德祐二年正月降附得三百五十七年而見六庚申

如宮漏之數

周廣順初江南伏龜山圯得石函長二丈廣八寸中有鐵銘云維天監十四年秋八月葬寶公于是銘背有引曰寶公嘗爲此偈大字書于板帛纂之人欲讀之者必施數錢乃得讀訖卽纂之是時名士陸陞王鈞姚察而下皆莫知其旨或問之云在五百年後至卒乃歸其銘合葬焉銘曰莫問江南事江南自有馮乘雞登寶位跨犬出金陵子建司南位安仁秉夜燈東鄰家道闕隨虎遇明興其字皆

小篆體勢完具徐鉉徐鍇韓熙載皆不能解及李
煌歸宋好事者云以丁酉年生辛酉年襲位卽乘
雞也開寶八年甲戌江南國滅是跨犬也當王師
圍城而曹彬營其南是子建司南位潘美營其北
是安仁乘夜燈也其後太平興國三年淮海王錢
俶舉國入覲卽東鄰也家道闕意無錢也隨虎遇
戊寅年也

南漢劉鋹時廣州童謠曰羊頭二四白天雨至識者
以羊是未之神天雨者王師如時雨之義果以辛

未年二月四日爲太祖所禽又前一年九月八日
宵夕衆星皆北流有知星者言劉氏歸朝之兆也

宋太祖建隆中西川孟昶自命筆題桃符正旦置寢
門左右云新年納餘慶嘉節號長春昶以其年正
月降卽命呂餘慶知成都府而長春乃太祖誕聖
節名也

宋仁宗皇祐五年正月戊午狄青敗儂智高于歸仁
鋪初謠言農家種糴家收至是果驗黑豸亦太
宋徽宗宣和六年御樓觀燈時開封尹設次以彈壓

宋於觀下帝從六宮於其上以觀天府之斷決者簾幕深密下無由知衆中忽有人躍出黑色布衣若宋寺僧童行狀以手畫簾出指斥語執於觀下帝怒甚令中使傳旨治之箠掠亂下又加炮烙詢其誰何略不一語亦無痛楚之狀又斷其足筋俄施刀鬻血肉狼籍帝大不悅爲罷一夕之歡竟不得其何人付獄盡之近狂咎也

宣和七年八月都城東門外鬻菜夫至宣德門下忽若迷罔釋荷擔向門戟手出諄罵語且曰太祖皇帝神宗皇帝使我來道尙宜速改也邏卒捕之下開封獄一夕方省則不知向者所爲乃於獄中盡之

宋高宗建炎二年十一月高宗在揚州郊祀後數日有狂人具衣冠執香鑪携絳囊拜于行宮門外自言天遣我爲官家兒書于囊紙刻于右臂皆是語鞫之不得姓名高宗以其狂釋不問明年二月金人犯維揚三月有明受之變

高宗紹興元年四月庚寅閬州有狂僧衰絰哭于郡

譙門曰今日佛下世且言且哭實隆祐太后上仙
日云闔距行都萬里踰月而遺詔至

紹興十四年都城市井歌曰汝亦不來我家我亦不
來汝家後其事應于兩宮

宋寧宗慶元六年簽書樞密院事林存爲似道所擯
道死于漳漳有富民蓄油結木甚佳林氏子弟求
之價高不可得因撫其木曰收取收取待賈丞相

德祐元年似道謫死郡守與之經營竟得此木以

殮

點他念切
似松生以
南不腐

宋理宗紹定十年都城市井作歌詞末句皆曰東君

去後花無主朝廷惡而禁之未幾太子詢薨之士

金章宗泰和八年有童謠云易水流汴水流百年易

過又休休兩家都好住前後總成畱至貞祐中舉

金國遷汴

金衛紹王崇慶元年二月放進士榜有狂僧公言殺

天子求之不知所在

金宣宗貞祐元年十二月乙卯雨木冰時衛州有童

謠曰團團冬劈半年寒食節没人煙明年正月元

兵破衛遂丘墟矣。宣宗興定五年有童謠云青山轉轉山青耽誤盡少年人蓋言是時人皆為兵轉鬪山谷戰伐不休當金至老也。金哀宗正大元年有人衣麻衣望承天門大笑者三大哭者三有司拘而問之其人曰我先笑者笑許金大天下將相無人後哭者哀祖宗國家破蕩至此也有司以為妖言處之重典上曰近詔草澤之士宋並許直言雖涉譏訕亦不治罪況此人言亦有理

止不應笑哭闕下耳乃杖之

哀宗天興初南京未破一二年間市中有一僧不知

所從來持一布囊貯棗日散與市人無窮所在兒

童百十從之又有一人拾街中破瓦復以石擊碎

之人皆以為狂不曉其理後乃知之其意蓋欲使

至人早散國家將瓦解矣

元順帝仍改至元五年八月京師童謠云白雁望南

至飛馬札望北跳童謠云一人一雙眼

順帝至正五年淮楚間童謠云富漢莫起樓窮漢莫

起屋但看羊兒年便是吳家國
至正十年河南北童謠云石人一
隻眼搖動黃河天
天下反

至正十年春麗正門樓斗拱內有人伏其中不知何
自而至遠近聚觀之門尉以白留守達于都堂上
聞有旨令取付法司鞫問但云薊州人問其姓名
詰其所從來皆惘若無知惟妄言禍福而已乃以
不應之罪笞之忽不知所在
至正十五年京師童搖云一陣黃風一陣沙千里萬

里無人家回頭雪消不堪看三眼和尚弄瞎馬此
皆詩妖也

史異編卷之十六終

史異編卷之十七

明晉安余文龍中拙編輯

男兆胤伯景校

雜說

樂資春秋後傳使者鄭客入函谷關平舒見素車白

馬曰吾華山君願以一牘致瀉池君子之咸陽過

瀉池見一大梓樹有文石取以扣樹當有應者以

大書與之鄭客如其言見宮闕如王者宮謁者出受

書入有頃云今年祖龍死始皇聞而逃之竟死於

沙丘亦曰云今平順縣天城是國之北也

大宛國有高山其上有馬不可得因取五色母馬置其下與交生駒汗血因號曰天馬子

奄蔡黎軒國即大秦城郭皆青水晶及五色水精為壁

人民多巧能化銀為金大家屋舍以珊瑚為柱琉璃為墻壁水精為礎烏海中斯調州上有木冬月

往剝取其皮績以為布極細手中齊數匹與麻焦布無異色小青黑若垢汚欲浣之則入火中便更

精潔世謂之火浣布

臨兒國王生隱屠太子父曰屠頭邪母曰莫邪屠身

色黃髮如青絲乳有青色爪赤如銅始莫邪夢白象而孕及生從母右脇出生有髮隨地能行七步

又云太子生時有二龍王夾左右吐水一龍水暖

一龍水冷遂成二池今猶一冷一暖初行七步處琉璃上有太子腳跡見在生處名祇洹精舍在舍

衛國南四里是長者須達所起又有阿輸迹樹是

夫人所攀生太子樹也

出淨屠經

鹽澤在西州高昌縣東並沙磧之地水草難行四面

危絕道路不可準記行人惟以人畜骸骨及駝馬糞為標驗曾有人於磧內時聞人喚聲不見形亦有歌哭聲數失人瞬息之間不知所在由此數有死亡蓋魑魅魍魎也

出西域記

新莽地皇四年七月殿中鉤盾士山僊人掌傍有白頭公青衣郎吏見者私謂之國師八衍功侯喜素善卦莽使筮之曰夏兵火莽曰小兒安得此左道是迺予之皇祖叔父子僑欲來迎我也

是年敗死漢明帝夢見金人身長大頭有光明以問羣臣或曰

西方有神名曰佛其形長丈六尺而黃金色帝於是遣使天竺問佛道法遂圖畫形像以歸楚王英始信其術中國頗有奉者後桓帝好神數祀浮圖老子其道遂盛

吳孫峻欲廢太子和立魯王朱主不聽遂殺之埋於石子岡後欲改葬冢墓相亞不可識別乃使兩巫各住一處以伺察之久時二人俱白見一女子年可三十餘上著青錦束頭紫白袷裳丹縹絲履從石子岡半岡而以手抑膝長太息小住須臾進一

豕上便止徘徊良久奄然不見於是開豕衣服如
之

條枝國有大雀鳥頸鷹身蹄駱色蒼舉頭八九尺張
翅丈餘食大麥卵大如甕有弱水西王母而未嘗
見按西玄記云天下之弱者有崑崙之弱水鴻毛
不能載也輿地圖云弱水非乘龍不至有三足神
鳥爲王母取食也

高辛氏有犬戎之寇帝患之乃訪募天下有能得犬
戎之將吳將軍頭者購黃金千鎰邑萬家又妻以

少女時帝有畜狗其毛五采名曰槃瓠下令之後
槃瓠遂銜人頭至闕下羣臣怪而診之乃吳將軍
首也帝大喜而計槃瓠不可妻之以女又無封爵
之道議欲有報而未知所宜女聞之以爲帝皇下
令不可違信因請行帝不得已乃以女配之槃瓠
得女負而走入南山止石室中所處險絕人跡不
至於是女解去衣裳爲僕鑿之結著獨力之衣帝
悲思之遣使尋求輒遇風雨震晦使者不得進經
三年生子一十二人六男六女槃瓠死後因自相

夫妻織績木皮染以草實好五色衣服製裁皆有尾形其母後歸以狀白帝於是使迎致諸子衣裳斑斕語言侏離好入山壑不樂平曠帝順其意賜以名山廣澤其後滋蔓號曰蠻夷今長沙武陵蠻是也魏略曰高辛氏有老婦居王室得耳疾挑之乃得物大如繭婦人盛瓠中覆之以槃俄頃化爲犬其文五色因名槃瓠

板楯蠻夷者秦昭襄王時有一白虎常從羣虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有巴郡閬中夷人能作白竹之弩乃登樓射殺白虎昭王嘉之而以夷人其夷人不欲加封乃刻石盟要復夷人頃田不租十妻不算傷人者論殺人者得以俸錢贖死盟曰秦犯夷輸黃龍一雙夷犯秦輸清酒一鍾夷人安之

西夜國地生白草有毒國人煎以爲藥傳箭鏃所中卽死

莎車國將君得遣鎮于真君得暴虐百姓患之漢明

史異 卷之二十七 五
帝永平三年其大人都末出城見野豕欲射之豕
乃言無射我我乃爲汝殺君得都末因此卽與兄
弟共殺君得而大人休莫霸復與漢人韓融等殺
都末兄弟自立爲于寘王

馬脰國其人音聲似雁鶩從膝以上身頭人也膝以
下生毛馬脰馬蹄不騎馬而走疾馬其人勇健敢
戰

短人國在康居西北萬餘里男女皆長三尺人衆甚
多。

至今亦
在

晉咸寧三年賈充代吳時常屯項城軍中忽失充所
在充帳下都督周勤時晝寢夢見百餘人錄充引
入一逕勤驚覺聞失充乃出尋索忽覩所夢之道
遂往求之果見充行至一府舍侍衛甚盛府公南
面坐聲色甚厲謂充曰將亂吾家事必爾與荀勗
旣惑吾子又亂吾孫間使任愷黜汝而不去又使
庾純詈汝而不改今吾寇當平汝方表斬張華汝
之黯黷皆此類也若不悛慎當日夕加罪充因叩
頭流血公曰汝所以延日月而名器如此者見衛

府之勳耳終當使係嗣死於鍾簾之間天子斃於
 金酒之中小子困於枯木之下荀勗亦宜同然其
 先德小濃故在汝後數世之外國嗣亦替言畢命
 去充忽然得還營顏色憔悴性理昏喪經日乃復
 後謚果死於鍾下賈后服金酒而死賈午考竟用
 大杖終皆如所言

後蜀李特為玄休巴西宕渠人其先廩君之苗裔也
 昔武落鍾離山崩有石穴三所其一赤如丹一黑
 如漆有人出於赤穴者名曰務相姓巴氏有出於

黑穴者凡四姓曰驛氏樊氏栢氏鄭氏五姓俱出
 皆爭為神於是相與以劔刺穴屋能著者以為廩
 君巴氏而務相之劔懸焉又以土為船彫畫

之而浮水中巴氏若其船浮存者以為廩君務相船
 又獨浮於是遂稱廩君乘其土船將其徒卒當夷
 水而下至於鹽陽鹽陽水神女子止廩君曰此魚
 鹽所有地又廣大與君俱生可止無行廩君曰我
 當為君求廩地不能止也鹽神夜從廩君宿旦輒
 去為飛蟲諸神皆從其飛蔽日晝昏廩君欲殺之

不可別又不知天地東西如此者十日廩君乃以青縷遺鹽神曰嬰此卽宜之與汝俱生弗宜將去汝鹽神受而嬰之廩君立碣石之上望膺有青縷者跪而射之中鹽神鹽神死羣神與俱飛者皆去天乃開朗廩君復乘土船下及夷城夷城石岸曲泉水亦曲廩君望如穴狀歎曰我新從穴中出今又入此奈何岸卽爲崩廣三丈餘而階階相乘廩君登之岸上有平石方一丈長五尺廩君休其上投策計算皆著石焉因立城其旁而居之其後種

類遂繁秦并天下以爲黔中郡薄賦斂之口歲出錢四十巴人呼錢爲賓因謂之賓人焉數傳至特歷勢凡六世僭僞位而滅

西秦乞伏國仁隴西鮮平人也在昔有如弗斯出連叱盧三部自漠北南出大陰山遇一巨蟲於路狀若神龜大如陵阜乃殺馬而祭之呪曰若善神也便開路惡神也遂塞不通俄而不見乃有一小兒在焉時乞伏部有老父無子者請養爲子衆許之老父欣然字之曰紇于紇于者夏言依倚也年十

歲驍勇騎射彎弓五百斤四部服其雄武推爲統
主號之曰乞伏可汗託鐸莫何託鐸者言非神非
人之稱也數傳至國仁乾歸熾磐慕末俱僭僞位
四世而滅

晉成帝咸和中丹陽尹高惺行至張侯橋見浦中五
色光長數尺不知何怪乃令於光處得金像無有
光跌惺乃下車載像還至長干巷首牛不肯進惺
乃令馭人任牛所之牛徑牽至寺惺因畱像付寺
僧每至夜中常放光明又聞空中有金石之響經

一歲臨海漁人張係世於海口忽見銅花趺浮出
取送縣縣人以送臺乃施像足宛然合會簡文咸
安元年交州合浦人董宗之採珠没水底得佛光
燄交州送臺以施於像又合焉自咸和中得像至
咸安初歷三十餘年光趺始具初高惺得像後有
西域胡僧五人來詣惺曰昔於天竺得阿育王造
像來至鄴下逢胡亂埋於河邊今尋覓失所五人
嘗一夜俱夢見像曰已出江東爲高惺所得惺乃
送此五僧至寺見像噓歎涕泣像便放光照燭殿

宇又瓦官寺慧邃欲模寫像形寺主僧尚慮損金色謂邃曰若能令像放光回身西向乃可相許慧邃便懇拜請其夜像卽轉坐放光回身西向明日便許摸之像跌先有外國書莫有識者後有三藏那跋摩識之云是阿育王爲第四女所造也

晉成帝咸康三年林邑國范逸死奴文篡立文本日南西卷縣夷師范幼家奴嘗牧牛於山澗得鯉魚二化而爲鐵因以鑄刀刀成交向石呪曰若斫石破者文當王此國因斫石如斷芻藁文心異之范

幼嘗使之商賈至林邑因教林邑王作宮室及兵車器械王寵任之後乃讒言諸子各奔餘國及王死無嗣文僞迓王子毒殺之遂脅國人自立

晉義熙中師子國遣使獻玉像經十載乃至像高四尺二寸玉色潔潤形制殊特殆非人工此像歷晉宋在瓦官寺先有徵士戴安道手製佛像五軀及顧長康維摩畫圖世人號之三絕至齊東昏遂毀玉像前截臂次取身爲嬖妾潘貴妃作釵釧

南宋元嘉中有慧嚴慧議道人竝住東安寺學行精

整爲道俗所推時鬪場寺多禪僧都下爲之語曰
鬪場禪師窟東安禪義林

南宋孝武大明四年於中興寺設齋有一異僧衆莫
之識問名答言名明慧從天安寺來忽然不見天
下無此寺名乃改中興曰天安寺
南梁武帝天監六年有晉安人度海爲風所漂至一
島岸岸有人居止則如中國而言語不可曉男則
人身有狗頭其聲如吠其食有小豆其衣如布築
土爲墻其形圓其戶如竇云

南梁武帝大同三年八月改造阿育王佛塔出舊塔
下舍利及佛爪髮髮青紺色衆僧以手伸之隨手
長短放之則旋屈爲螽形按僧伽經云佛髮青而
細猶如藕莖絲佛三昧經云我昔在宮沐頭以尺
量髮長一丈二尺放已右旋還成螽文則與帝所
得同也阿育王卽鐵輪王王閻浮提一天下佛滅
度後一日一夜役鬼神造八萬四千塔此卽其一
南宋徐羨之字宗文年少時嘗有一人來謂曰我是
汝祖羨之拜此人曰汝有貴相而有厄宜以錢

二十八文埋宅四角可以免災過此可位極人臣
後羨之隨親之縣住在縣內嘗暫出而賊自後破
縣縣內人無免者雞犬亦盡惟羨之在外獲全
南宋徐熙官濮陽太守好黃老隱于秦望山有道士
過求飲畱一瓠齏與之曰君子孫宜以道術救世
當得二千石熙開之乃扁鵲鏡經一卷因精心學
之遂名振海內生子秋夫彌工其術仕至射陽令
嘗夜有鬼呻聲甚悽愴秋夫問何須答言姓某家
在東陽患腰痛死雖爲鬼痛猶難忍請療之秋夫

曰云何厝法鬼請爲芻人按孔穴封之秋夫如言
爲灸四處又針肩井三處設祭埋之明日見一人
謝恩忽然不見當世伏其通靈後子孫果顯

南宋何承天博見古今張永嘗開玄武湖遇古冢冢
上得一銅斗有柄文帝以訪朝士承天曰此亡新
威斗王莽三公亡皆賜之一在冢外一在冢內時
三台居江左者惟甄邯爲大司徒必邯之墓俄而
永又啓冢內更得一斗復有一石銘大司徒甄邯
之墓故帝每有疑議必先訪之信命相望於道

南齊文惠太子鎮雍州有盜發古冢者相傳云是楚王家大獲寶物玉履玉屏風竹簡書青絲綸簡廣數分長二尺皮節如新有得十餘簡以示王僧虔云是科斗書考工記周官所闕文也

南梁羊侃字祖忻旅力絕人嘗於兖州堯廟蹋壁直南上至五尋橫行得七跡泗橋數十石人長八尺大十圍侃執以相擊悉皆破碎

南梁韋鼎字超盛爲邵陵王主簿侯景之亂鼎兄昂於京口戰死鼎負屍出寄于中興寺求棺無所得

至今尚在

鼎哀憤慟哭忽見江中有物流至鼎所竊異之往視乃新棺也因以充殮元帝聞之以爲精誠所感毗騫國王身長丈二頭長三尺自古不死莫知其年王神聖知人善惡及將來事人無敢欺南方號曰長頸王其子孫生死如常人

頓遜國有酒樹似安石榴采其花汁停瓮中數日成酒

諸薄國東有自然大洲其上有樹生火中洲左近人剝取其皮紡績作布以爲手巾與焦麻無異而色

微青黑若小垢汚則投火中復更精潔或作燈炷
 用之不知盡 搜神記曰崑崙之墟有炎火之山
 上有鳥獸草木皆生于炎火之中故有火浣布非
 此山草木之皮則其鳥獸之毛也漢世西域舊獻
 此布中間久絕至魏初時人疑其無有文帝以為
 火性酷烈無含生之氣著之典論明其不然之事
 絕智者之聽及明帝立詔三公曰先帝昔著典論
 不朽之格言其刊石于廟門之外及太學與石經
 並以永示來世至齊王芳正始元年二月西域重

今亦尚在

獻是布於是刊滅此論而天下笑之
 扶桑東千餘里有女國容貌端正色甚潔白身體有
 毛髮長委地至二三月競入水則妊娠六七月產
 子女人曾前無乳頂後生毛根白毛中有汁以乳
 子百日能行三四年則成人矣見人驚避偏畏丈
 夫食鹹草如禽獸

鹹草葉似邪蒿氣香味鹹

倭國有獸如牛名山鼠又有大地吞此獸地皮堅不
 可斫其上有孔乍開乍閉時或有光射中而地則
 死矣

倭國西南萬里有海人身黑眼白裸而醜其肉美行者或射而食之

文身國在倭東北七千餘里人體有文如獸其額上有三文文直者貴文小者賤

北魏爾朱世隆字榮宗節閔帝以爲儀同三司曾與吏部尙書元世儁握槊忽聞局上訖然有聲一局子盡倒立世隆甚惡之又曾晝寢其妻奚氏忽見一人持世隆首去奚氏驚就視而世隆寢如故旣覺謂妻曰向夢人斷我頭持去意殊不適未幾果

爲斛斯椿所誅

北魏夏侯爽字元廷歷南兗州大中正性好酒初與南人辛譙庾遵江文遙等終日遊聚酣飲之際恒相謂曰人生局促何殊朝露坐上相看先後間耳北脫有先亡者於良辰美景靈前飲宴倘或有知庶共歡饗及夫亡後三月上巳諸人相率至夫靈前仍共酌飲時日晚天陰室中微闇咸見夫在坐衣服形容不易平昔時執杯酒似若獻酬但無語耳夫家客雍僧明心有畏恐披簾欲出便卽僵仆狀

若被毆夫從兄欣宗云今是節日諸人憶弟疇昔
之言故來共飲僧明何罪而被嗔責僧明便悟而
欣宗鬼語如夫平生并怒家人皆得其罪又發陰
私竊盜咸有次緒
北魏顏惡頭妙於易筮嘗語人曰長樂王某年某月
某日當爲天子有人姓張聞其言數以寶物獻之
豫乞東益州刺史及期果爲天子擢張用之
龜茲國西北大山中有如膏者流出成川數里入地
狀如餽餈甚臭服之髮齒已落者能令更生癩人

服之皆愈周隋間遣使朝獻。

真臘國海有魚名建同四足無鱗鼻如象吸水土噴
高五六十尺有浮胡魚形如鮐背如鸚鵡有八足
多大魚半身出望之如山每五六月中毒氣流行
卽以白豬白牛羊於城西門外祠之不然五穀不
登畜多死人疾疫
且末國西北有流沙數百里夏日有熱風爲行旅之
患風之所至惟老駝預知之卽嗔而聚立埋其口
鼻於沙中人每以爲候亦卽將羶權蔽鼻口其風

迅駛斯須過盡若不防者必至危斃

伏盧尼國東有大河南流中有鳥其形似人亦有如橐駝馬者皆有異常居水中出水便死

波知國有三池大池有龍王次者有龍婦小者有龍子行人經之設祭乃得過不祭多遇風雪之困

烏菴國西南有檀特山山上立寺以驢數頭運食山下無人控御自知往來

魚陀國東南七里有佛塔高七丈周三百步卽謂崑離佛圖也

曹國有得悉神自西海以東諸國並敬事之其神有金人破羅闍人丈有五尺高下相稱每日以駝五頭馬十疋羊一百口祭之常有數千人食之不盡大業中遣使來貢

漕國葱嶺山有順天神者儀制極華金銀鑠爲屋以銀爲地祠前有一魚脊骨有孔中通馬騎出入

長人國人類長三丈鋸牙鉤爪黑尾覆身不火食噬禽獸或搏人以食得婦以治衣服其國連山數十里有峽固以鐵闔號關門新羅常屯弩士數千守

之有刺固以爲國

東女國巫者以十月詣山中布糟麥呪呼羣鳥俄有
鳥來如雞狀剖視之有穀歲豐否卽有災名曰鳥

水爲此味前亦一魚脊骨亦亦中

高昌國唐武德五年獻狗高六寸長尺能曳馬銜燭
云生拂菻名拂菻狗

天竺國有五分東西南北中中天竺在四天竺之會
都其畜有稍割牛黑色角細長四尺許十日一割
不然困且死人飲其血或曰壽五百歲牛壽如之

東天竺有所謂畔茶法水者出石臼中有石象人
守之水有七種色或熱或冷能銷草木金鐵人手
入輒爛以橐駝髑髏轉注瓠中

大勃律國北有頗黎山其神穴中有神馬國人遊牧
牝于側生駒輒汗血永徽元年獻大鳥高七尺色
黑足類橐駝翅而行日三百里能噉鐵俗謂駝鳥
又獻瑪瑙燈樹高三尺

拂菻國西海有市貿易不相見置直物旁名鬼市有
獸名贊大如狗獷惡而力此邑有羊生土中臍屬

地割必死俗介馬而走擊鼓以驚之羔臍絕卽逐水草不能羣

訶陵國最富有穴自湧鹽以柳花椰子爲酒飲之輒醉宿昔壞有文字知星曆食無匕筯有毒女與接輒苦瘡人死尸不腐

飛頭獠者頭欲飛周項有痕如縷妻子共守之及夜如病頭忽亡比旦還

蹄突厥人身牛足其地尤寒水曰葫蘆河夏秋冰厚二尺春冬冰徹底常燒器銷冰乃得飲

狗國人身狗首長毛不衣手搏猛獸語爲犬嗥其妻皆人能漢語生男爲狗女爲人自相婚嫁穴居食生而妻女人食云嘗有中國人至其國其妻憐之使逃歸與其筯十餘隻教其每走十餘里遺一筯狗夫追之見其家物必啣而歸則不能追矣其說如此

盧充者范陽人家西三十里有崔少府墓充先冬至一日出家西獵見一麋舉弓而射卽中之麋倒而復起充逐之不覺遠忽見一里門如府舍門中一

史異 卷之二十七 九
鈴下有唱家前充聞此何府也答曰少府府也充
曰我衣惡那得見貴人卽有人提襪新衣迎之充
著盡可體便進見少府展姓名酒炙數行崔曰近
得尊府君書爲君索小女婚故相延耳卽舉書示
充充父亡時雖小然已見父手跡便獻歎無辭崔
卽敕內令女郎莊嚴使充就東廊充至婦已下車
立席頭共拜爲三日畢還見崔崔曰君可歸矣女
有娠相生男當以相還生女當畱自養救外嚴車
逆客崔送至門執手零涕離別之感無異生人復

致衣一襲被褥一副充便上車去如電逝須臾至
家家人相見悲喜推問知崔是亡人而入其墓追
以懊惋居四年三月三日臨水戲忽見一犢車乍
浮乍沒旣上岸充往開車後戶見崔氏女與三歲
男兒共載充見之忻然欲捉其手女舉手指後車
曰府君見人卽見少府充往問訊女抱兒還充又
與金盃別并贈詩充取兒盃及詩忽不見二車處
將兒還四坐謂是鬼魅僉遙唾之形如故問兒誰
是汝父兒逕就充慟衆初怪惡傳省其詩慨然歎

死生之玄通也充詣市賣盥高舉其價不欲速售
冀有識者歛有一老婢問充得盥之由還報其大
家卽女姨也追視之果是謂充曰我姨姊崔少府
女未嫁而亡家親痛之贈一金盥著棺中今視卿
盥甚似得盥本末可得聞否充以事對卽詣充家
迎兒兒有崔氏狀又似充貌姨曰我舅甥三月末
同產父曰春煥溫也願休強也卽字溫休溫休蓋
幽婚也其兆先彰矣兒遂成爲令器歷數郡二千
百著績其後生植爲漢尚書植子毓爲魏司空

益相承至今也

沿洪水觀於河見白面長人魚身出曰吾河精也
又禹河圖而還於淵

澹臺子羽齎千金之璧渡河陽侯波起兩蛟挾舟子
羽曰吾可以義求不可以威劫操劔斬蛟蛟死波
休乃投璧於河三投而輒躍出乃毀璧而去示無
恡意

晉平公與齊景公乘至於澮上見乘白驂八駟以來
有犬狸身而狐尾隨平公之車公問師曠對首陽

之神有犬狸身狐尾其名曰者飲酒得福則徼之
漢光武建武二年西河鮮于冀爲清河太守作公廨
未就而亡後守趙高計功用二百萬五官黃秉功
曹劉適言四百萬錢於是冀乃鬼見白日道從入
府與高及秉等對共計校定爲適秉所割匿冀乃
書表自理其略言高貴不尚節畝壟之夫而箕踞
其類劾密失機婢妾其性媚世求顯偷竊銀艾鄙
今天官易譏負乘誠高之謂臣不勝鬼言謹因千
其聞待高上之便西北去三十里車馬皆滅不

元秉等皆伏地物故高以狀聞詔下還冀西河
出宅妻子焉兼爲差代以旌幽中之訟

秦始皇於海中作石橋海神爲之豎柱始皇求爲相
見神云我形醜莫圖我形當與帝相見乃入海四
十里見海神左右莫動手工人潛以脚畫其狀神
怒曰帝負約速去始皇轉馬還前脚猶立後脚隨
崩僅得登岸畫者溺死於海衆山之石皆傾注

齊桓公二十年征孤竹來至卑耳之谿十里闐然止
瞠然視授弓將射引而未發謂左右曰見前乎左

右對曰不見公曰寡人見長尺而人物具焉冠右
祛衣走馬前豈有人若此乎管仲對曰臣聞豈山
之神有偷兒長尺人物具霸王之君興則豈山之
神見且走馬前走道也祛衣示前有水右祛衣示
從右方涉也至卑耳之谿有贊水者從左方涉其
深及冠右方涉其深至膝已涉陸濟桓公拜曰仲
公之聖此寡人之私罪也久矣

良字石卿爲洛陽令歲時亢旱天子祈雨不得良
以身階庭告誠引罪自晨至午紫雲沓起甘雨

十人爲歌曰天久不雨烝人失所天王自出祝
特苦精符感應滂沱下雨

主向爲葉令每當朝時葉門下鼓不擊自鳴聞
於京師後天下玉棺於堂前吏民推排終不搖動
喬曰天帝獨欲召我邪乃沐浴服飾寢其中

王子喬者上世之真人不知興何代也有墓暨于永
和之元年冬十二月當臘之時夜上有哭聲其音
甚哀附居者王伯怪之明則祭而察焉時天鴻雪
下無人徑有大鳥跡在祭祀處左右咸以爲神其

後有人著大冠絳單衣杖竹立冢前呼採薪孺子
伊永昌曰我王子喬也勿得取吾墳上樹也忽然
不見

永平中鍾離意爲魯相到官出私錢萬三千文付戶
曹孔訴治夫子車身入廟拭几席劔履男子張伯
涂堂下草土中得玉璧七枚伯懷其一以六枚白

意主簿安置几前孔子寢堂牀首有懸甕意
孔訴問何等甕也對曰夫子甕背有丹書人勿
也意曰夫子聖人所以遺甕欲以懸示後賢

之中得素書文曰後世脩吾書董仲舒護吾
一拭吾履發吾笥會稽鍾離意壁有七張伯藏其
意召問伯果服焉

秦昭王使李冰爲蜀守開成都兩江漑田萬頃神歲
取童女二人爲婦冰以其女與神爲婚徑至神祠
勸神酒酒杯恒澹澹冰厲聲以責之因忽不見良
久有兩牛鬪於江岸傍有間冰還流汗謂官屬曰
吾鬪疲極當相助也南向腰中正白者我綬也主
簿刺殺北面者江神逐死蜀人慕其氣決凡壯健

者因名冰兒

樊口南有大姥廟孫權常獵於山下依夕見一姥問
權獵何所得曰正得一豹母曰何不豎豹尾忽然
不見

若水東與禁水合水自永昌縣而北逕其郡西水左
甚饒西象山有鈎蛇長七八丈尾末有岐蛇在
澗中以尾鈎岸上人牛食之此水傷瘴氣時
氣中有物不見其形其作有聲中木則折中人
名曰鬼彈惟十一月十二月差可渡正月至

逕之無不害人

有人有隗叔通者性至孝爲母給江簷水天爲出
石上江簷中今猶謂之孝子石

葉縣西北十里有吊烏山山多大蛇名曰髯蛇長
十丈圍七八尺常在樹上伺鹿獸過便低頭繞之
有頃鹿死先濡令濕訖便吞頭角骨皆鑽皮出山
夷始見蛇不動時便以大竹籤籤蛇頭至尾殺而
食之以爲珍異江中有潛牛形似水牛上岸鬪角
軟還入江水角堅復出

廣州記曰鰮魚長二丈太數圍皮皆鱗物生子子小
隨母覓食驚則還入母腹吳錄地理志曰鰮魚子
朝索食暮入母腹南越志曰暮從臍入旦由口出
腹裏兩洞腸貯水以養子腸容二子兩則四焉

始興縣林水源裏有室室前盤石上列羅十瓮中悉

之銀餅采伐遇之不得取取必迷悶晉太元初民

之家僕密竊三餅歸發看有大蛇螫之而死

九柳縣人少孤養母至孝言語虛無時人謂之癡

與眾兒共牧牛更直為帥錄牛無散每至耽為

輒徘徊左右不逐自還眾兒曰汝直牛何道

不走邪耽曰非汝曹所知即而辭母云受性應僊

養涕泗又曰年將大疫死者略半穿二井

有水可得無恙如有哭聲甚哀後見耽乘白馬

還此山中百姓為立壇祠民安歲登民因名為馬

嶺山

贛縣出然石石色黃白而理疎以水灌之便熱以鼎

著其上炊足以熟置之則冷灌之則熱如此無窮

元康中雷孔章入洛贖石以示張公張公曰此謂

然石於是乃知其名

張公直為吳郡太守徵還道由廬山子女觀祠婢指
女戲妃像人其妻夜夢致聘怖而遽發明引中流
而船不行合船驚懼曰愛一女而合門受禍也公
直不忍遂令妻下女於江其妻布席水上以其亡
女代之而船得進公直方知兄女怒妻曰吾何
止於世也復下已女於水中將渡逕見二女於
千側傍有一吏立曰吾廬君主簿敬君之義悉還

遠望山的狀

山西有石室名為

孔堂年登否常占射的以
射的白斛米百射的玄斛
射的明則米

鳥鼠之山有鳥焉與鼠飛行而處之又有止而同穴

之山焉是三山也鳥名為鷓似鷄而黃黑色鼠如

家鼠而短鼠穿地而共處鼠內而鳥外孔安國曰

共為雌雄杜彥達曰同穴止宿養子互相哺食長

大乃止張晏言不相牝牡故因以名山水

西海郡北山有石赤白色以兩石相打則水潤打之
不已潤盡則火出山石皆然炎起數丈逕日不滅
有大黑風自流沙出奄之乃滅其石如初
卽冀縣山有石鼓於星爲河鼓星動則石鼓鳴石鼓
鳴則秦土有殃鳴淺殃萬物鳴深則殃君王
在時永康縣有人入山遇一大龜卽束之以歸龜
游不量時爲君所得擔者怪之載出欲上
天王夜宿越里纜船於大
中樹忽呼龜曰
今方見烹雖盡南
和奚事爾也龜曰

樵不能實我樹曰

遜識性淵長必致

困令求如我之徒計將
龜曰子明無多辭
業權將煮之燒柴萬車龜猶如故諸葛恪
然以老桑乃熟獻人仍說龜言權使伐桑取煮
之卽爛故野人呼龜曰元緒



史異編卷之十七終

史異編卷之十七終

吳興

書